

COFNODION MAI 2007

| | |
|-----------------|-----------------------------|
| DYDDIAD | Nos Fercher, 16eg Mai, 2007 |
| AMSER | 7yh |
| LLEOLIAD | Neuadd Llanwnda |

1. **Ymddiheuriadau**
2. **Croeso**
Croesawyd pawb i'r cyfarfod gan yr is-gadeirydd TE yn absenoldeb y cadeirydd.
3. **Datgan Buddiant**
4. **Cadarnhau cofnodion** cyfarfod diwethaf gynhaliwyd ar nos Fercher, Ebrill 18fed, 2007.
5. **Materion i'w trafod:**
 - a) Cysgodfan bysiau Penffordd – MW wedi archwilio'r gwaith. Angen cadw golwg ar gyfer y dyfodol a'i archwilio eto ymhen blwyddyn.
 - b) Lein Bryngwyn – clerc wedi anfon llythyr at Dilys Phillips i geisio prysuro pethau 'mlaen. Clerc i sgwennu at adran Dilys Phillips i ofyn wrthynt dalu'r £1,000 yn uniongyrchol i Dewi Pritchard Jones, gan nodi efallai y byddai Cyngor Llanwnda yn fodlon cyfrannu.
 - c) Cynllun Uwchgwyrfaï – BBC ac HTV yn awyddus gwneud rhaglen. Copi o ymateb anfonwyd at Alun Ffred Jones oddi wrth gadeirydd Cymad. Angen gyrru ateb at gadeirydd Cymad yn diolch am y llythyr ond yn nodi nad ydym yn fodlon gyda'r atebion i'r cwestiynau ynglyn â'r ffens.
 - d) Stebiau sy'n arwain i'r mynydd ger Ochr Muriau – llythyr gan gynrychiolwyr y goron yn nodi nad oes cyfrifoldeb arnynt i atgyweirio'r stepiau. Angen mynd yn ôl at Steffan Jones i gael y sefyllfa ddiweddera.
 - e) Cofeb Kate Roberts ar Lôn Wen – wedi cael cyfarfod safle gyda Steffan Jones, Cyng. Glyn Owen, Dewi Tomos a Kelvin Roberts – disgwyl adroddiad yn ôl gan Steffan Jones. Wedi awgrymu y dylid chwalu'r wal a rhoi'r gofeb ar y llwybr sy'n arwain i'r mynydd, i ffwrdd o'r lôn.
 - f) NE – arwyddion30 yn Rhos Isaf – dim rheolaeth ar y ffordd sy'n arwain o Penyceunant i Pen y Groeslon a'r ffordd i Felinwnda. Heb gael ymateb hyd yma. Clerc i geisio cael atebion yn ystod cyfarfod bwriedig efo Steffan, fydd yn cael ei gynnal yn ystod wythnos 28-31ain o Fai.
 - g) Arup – ymgynghoriad ar y ffordd osgoi o Lanwnda i Blas Menai – gwahoddiad i weithdy ar yr 17eg o Fai. EmJ a clerc i fynychu.
 - h) Cwynion ynglyn â llygod mawr ger Tanrallt, Rhostryfan. Clerc wedi rhoi cwyn i'r Adran Iechyd yr Amgylchedd. Heb dderbyn ateb eto. Clerc i gysylltu efo'r adran eto drwy lythyr ac anfon copi o'r llythyr i'r

Cyngor Cymuned Llanwnda

adran gynllunio ac at Cyng. Glyn Owen.

- i) MW – ceir yn parcio yn y safle bysiau yn Penffridd. Clerc i roi gwybod i'r wardeiniaid parcio newydd.
- j) MW – cwynion am blant yn yfed alcohol ar safle'r ysgol yn Rhosgadfan. Clerc i roi gwybod i'r heddwas Gwynfor Parry.
- k) EmJ – angen eglurhâd o bolisi'r cyngor ynglyn â sut maent yn mynd ati i osod tai cyngor. Awgrymwyd y dylid ysgrifennu at Berwyn Parry Jones, Adran Dai, yn gofyn am gopi o'r polisi gosod tai diweddara.
- l) TE – palmant Llanwnda. Clerc i holi Steffan. Hefyd angen ei holi ynglyn â'r gwaith bwriedig ar y ffordd rhwng Rhosgadfan a Rhostryfan.
- m) Materion parcio ger y Becws, Rhostryfan – cafwyd gwybodaeth gan Meilir Hughes, Cyngor Gwynedd yn datgan fod y darn tir bellach yn mynd i broses dendro. Trafodwyd y mater a phenderfynwyd na fyddai gan Gyngor Llanwnda ddiddordeb mewn tendro am y darn tir.

6. **Derbyn Adroddiadau:**

7. **Is-bwyllgorau:**

8. **Materion Ariannol**

| | |
|------------------------------------|------------------|
| Cyfri Cadw: | 21,960.11 |
| Cyfri Siec: | 402.62 |
| CYFANSWM | 22,362.73 |
| | |
| Cyflog/costau clerics – | 386.57 |
| Cyllid y Wlad | 94.93 |
| Peti cash | 150.00 |
| Tâl Aelodaeth SLCC | 85.00 |
| Taliad ar gyfer diwrnod Cyn Filwyr | 150.00 |
| Wyn Williams | 249.00 |
| | |
| GWEDDILL | 21,247.23 |

Cydnabyddiaeth nawdd gan Llew ac Ambiwlans

Awyr

Ffurflen diwedd blwyddyn gan Hacker Young –
angen trefnu is-bwyllgor cyllid a gweinyddol. Clerc
i drefnu'r cyfarfod naill ai ar ôl neu cyn cyfarfod
gyda Steffan Jones 28-31ain Mai.

Cyngor Cymuned Llanwnda

9.

Materion Cynllunio

CO7A/0325/17/MW – Cais ar gyfer cymeradwyo amodau safle mwynau segur rhan 1, dan atolden 13, paragraff 9 o Ddeddf yr Amgylchedd 1995, caniatâd cynllunio rhif 2259 dyddiedig 11eg Rhagfyr 1951 – Chwarel Alexandra/Moeltryfan – angen anfon gair at yr Adran Gynllunio yn nodi'r sylwadau canlynol:

Gwrthwynebu'r awgrym y dylai'r loriau ddod drwy Rhostryfan, Rhos Isaf a Menai View. Nid yw'r ffordd yma'n addas ar gyfer loriau.

Hoffai'r aelodau gael cadarnhâd mai dau lwyth yn unig fydd yn cael ei gario o'r chwarel, boed hynny efo tractor a thrailer neu lori HGV, a hefyd hoffem gael gwybodaeth ynglyn â phwy fydd yn monitro'r sefyllfa.

Cyfyngu'r oriau gwaith yn y chwarel a'r cyfnod cario o'r chwarel i 8am-5pm o ddydd Llun i ddydd Gwener yn unig.

Dim loriau i deithio drwy'r pentrefi cyfagos yn ystod amser agor a chau'r ysgolion, h.y. 8.30-9.00a.m. a 2.30-3.30p.m.

Ni ddylid caniatáu loriau mwy na 15 tunnell – o ystyried y ffyrdd cul ac anaddas sy'n arwain at y chwarel a thrwy'r pentrefi cyfagos. Oni fyddai caniatáu loriau mawrion yn rhoi pwysau ychwanegol ar Adran Briffyrdd Gwynedd i gynnal a chadw'r ffyrdd presennol?

Angen eglurhâd ar y term 'temporary' – am ba hyd y bydd y cynllun yn parhau?

Angen cadarnhâd o'r union ffordd drwy bentref Rhosgadfan.

CO7A/0292/24/LL – estyniad – Trem Arfon, Rhos Isaf – dim gwrthwynebiad.

Eisoes wedi'u caniatáu:

Estyniad – Menai View, Dinas

Estyniad lolfa wydr – Llain Fadyn, Rhos Isaf

Gwrthodwyd:

Ty newydd – Gwyndre, Rhos Isaf

10.

Gohebiaeth:

- a) Gwahoddiad i agoriad Swyddogol Cae'r Gors.
- b) Gwahoddiad i wasanaeth dadorchuddio cofeb yng Nghlwb Mountain Rangers ar y 3ydd o Fehefin.
- c) Standards Board ar gyfer Lloegr – côd ymddygiad newdd ar gyfer aelodau o'r 3ydd o Fai ymlaen – angen checio gyda Adran Gyfreithiol Cyngor Gwynedd os ydy hwn yn berthnasol i Gymru.
- d) Asiantaeth yr Amgylchedd – apêl gan Cwmni Gwastraff Môn ac Arfon yn erbyn cau Cilgwyn – angen anfon nodyn i gefnogi'r apêl fydd yn golygu gohirio cau Cilgwyn am gyfnod.
- e) Swyddfa Archwilio Cymru – nodyn i gadarnhau mai Hacker Young fydd yr archwilwyr allanol.
- f) Cylchgronnau

Cyngor Cymuned Llanwnda

11. Materion i'w trafod yn y cyfarfod nesaf:
 - NW – wal wedi malu rhwng Ysgol Rhosgadfan a'r ciosg. Nododd MW fod Steven Jones, Cyngor Gwynedd eisoes yn ymwybodol ac wedi bod yn tynnu lluniau o'r safle.
 - EIJ – llwybrau Cae Coch – wedi derbyn cwyn fod polyn wedi'i blygu a bellach braidd yn beryg. Clerc i roi gwybod i Wyn.
 - EIJ – angen checio fod caniatâd cynllunio ar y canlynol: arwyddion Dinas Garage, lolfeydd gwydr yn Bryn Rhug a Dolwar, Rhostryfan.
 - EmJ – angen gofyn wrth Aled Evans Davies, Swyddog Tai Fforddiadwy Cyngor Gwynedd, sut y daeth polisi o sefydlu dim ond 25% o dai fforddiadwy mewn unrhyw ddatblygiad.
 - EE – nodi fod damweiniau wedi digwydd ger mynedfa Sain a gofyn am gael arwyddion arafu.
 - GVT – cysgodfan Penffordd – angen tynnu rhywfaint o'r banc tu ôl i'r gysgodfan er mwyn gwella mynedfa.
 - GVT – parcio yn Gwelfor a Tai Rhosgadfan
 - GVT – torri gwair cae chwarae Rhosgadfan
 - Nododd y clerch fod Wyn wedi'i hysbysu fod bin y fynwent wedi'i ddwyn, angen cysylltu efo'r cyngor i gael un newydd.
12. Dyddiad cyfarfod nesaf – Mehefin 20fed – i'w gadarnhau.
13. Daeth y cyfarfod i ben am 9.15p.m.